

# توتة .. توتة

شعر

سلوى صلاح العيني

- الكتاب : توتة .. توتة
- المؤلف : سلوى صلاح العيني
- التصنيف : شعر

● يصدر عن

شعلة الإبداع للطباعة والنشر



● المشرف العام

الشاعر الإعلامي / أشرف عزمي

● الإخراج الفني : أسماء أشرف عزمي

● ت: ٠١٠٠٩٢٦٢٠٠٠ / ٠١٢٨٠٥٣٤٥٠٢

● البريد الإلكتروني:

**shoaletalebdaa@gmail.com**

● رقم الإيداع: ٢٠٢٠ / ١٩٤٢٩

حقوق الطبع محفوظة

و يعتبر المؤلف مسؤولاً مسئوليةً كاملةً عن كلِّ ما وُردَ في الكتاب.

## الإهداء

إلى ..

زهور الحياة ونبنة المستقبل

إلى ..

تلاميذي واولادي وأحفادي

التي تسكن محبتهم قلبي

أهدي لكم محبة حروفي

**سلوى العيني**



# أهلا أهلا يازملائي

هيا نقرأ ألف باء  
نكتب ونعد الأسماء  
مين يعرف عدد الهجاء؟!  
سنصفق له كل مساء  
ونشدد ونسكن أحرف  
أفتح عينك وتعرف  
لا تكسر حتى تتعرف  
ضم شفائفك كي لا تغرق  
وتسلق باب الهمزات  
سنشيد لام قمرية  
أكتب وأنطقها بحرية  
لكن اللام الشمسية

مغموره في بحيرة عفيه  
نكتها لكن لا تنطق  
مكتوبه بحرف لا يزعم  
أما حروف الجر تنادى  
تتمخطر في أيها وادى  
من إلى علي أو في أو عن  
باء لام كاف تجر  
أسماء الإشارة أخوات  
مذكر أو مؤنث هات  
هذا هذه أو هؤلاء  
والضمائر هو وهي  
هما أو هن أو هؤلاء  
والمثنى يعنى إثنان  
مثل بابان أو كرتان  
هيا نرسم بالألوان

شمس وسماء وهواء  
نشكر اللغة العربية  
نهتف لها كل مساء

## هتعدى الغمه

هتعدى الغمه يافخر الأمة  
يا بلد النصر

وهيجى رمضان بكل أمان  
ونصلى كمان ترويح وعصر

وأدان وأدان وكمان قرآن  
فوق المدنه راح يعلوا بفخر

نتجمع تانى بحبايبنا  
وشوقنا غالبنا نفطر مع بعض

على طبلية تجمعا  
وموائد رحمه تمتعا

يجي الغلبان مع السلطان  
من طبق واحد يشبعنا

وفانوس رمضان هيضوي كمان  
ومآذن تعالي بالقرآن

والزينه تلالى في كل مكان  
أهلا رمضان أهلا رمضان

ويهل العيد والكل سعيد  
ولبسنا جديد من مصانعا

في ساحه الجامع صلينا  
وعيدنا بعض وهنينا

ماحدث ناقص منينا  
يا بلدنا يا مصر

## بحبك بالشقاوه

بحبك بالشقاوه  
يا أغلي من الغلاوه  
يانور قلبي وعنيه  
يا اارب أشوفك شابه  
دايبه ف قلب المحبه  
شاربه كاس الحنيه  
لولو قلبي وعنيه

راح تكبر حبه حبه  
تحضن غصن المحبه  
تتوضى بالحنیه  
لولو دی أغلي مالیا  
لولو أجمل أغنیه  
قلیها دایما کبیر  
أكبر م الدنيا دیه

يا عيون نانا وحياتها  
ف القلب مفيش غلاوتها  
يالولو ياضي عيني  
تيجي ف حضني وتتخي  
لحد ماتبقي شابه  
دكتوره ومداويه

# مصر أمنا

وصباح الدندنه  
علي مصر أمنا  
وبقولك أنتي ليّا  
الفرحه والهنا  
صابره وصبرك طويل  
يا أم النيل الجميل  
هواك يدفي صدرى  
ويشفي قلبى العليل  
الشوق خدنى إليك  
دفي قلبى بإديك  
ما أنا بدلع عليك  
مش إنتي أمنا؟

ياخير طول الزمان  
حضنك نبع الأمان  
مشتاقه أنام في حجرك  
محتاجه حنو صدرك  
اللي يطبب عليا  
يا أغلي من عنيه  
واللي يا حاول يمِسك  
أكله بسنانى ديا  
وإن جرحك حد آسي  
بتقولي إنه ناسي  
وبكره يطبب عليا  
يامسامحه يا أبيه  
يا أم الطالعه الهميه  
قلبك ذي الملاك  
ولعدوك هلاك

ساعة الجد بتحميننا  
ما أنتى الحضن اللي أوينا  
فارده جناحك علينا  
ولأخر ذرة في أرضك  
وبكل حنان تسقيننا  
وإن قسمنا الشيطان  
بتحاولي تجمعيننا  
دا صباحك عشق لنا

# ثأ ثأ

ثأثأ ثأثأ ثأثأ

أوعى ياواد يابندق  
تلعب تانى ف النار  
حذرتك ليل ونهار  
وأنت ولا مره بتسمع

تتنطط فوق الدسك  
وشويه تشد السلك  
وأقولك أنت كبرت  
تتشقلب ذي القرد  
كده عيب ياواد يابندق

شخبط كتير ع الحيط  
شلت صورنا وحتيت  
نانسي عجرم ورضيت  
وقلت بكره هاي عقل

تلعب ف البيت الكوره  
وتكسر لنا كام صوره  
وأصرخ لك وأنا مقهوره  
كده عيب ياواد يا بندق

## خلاويص؟؟

خلاويص؟

لسه

خلاويص؟؟

لسه

خلاويص ماتخلوصناش

والواد بلاميطه ماجاش

ومحمد الهباش

خد كورته ومالعبناش

وضيقنا بنات الحته

وقعدنا نعد لآ

ونلعب حطه يابطه

والواد بالكوره ماجاش

خالصين؟؟  
لأ مخلصناش  
فاهمين؟؟  
لأ مفهمناش  
والمستر راح ولا جاش  
حفظنا الدرس كويس  
وقعد في الزاويه يهندس  
وفضل يشرح ويدرس  
ولقانا مفهمناش  
طب .. ساكت في ساعتها  
ودخل فيها الإنعاش

خالصين؟؟  
لأ مش خالصين  
فاهمين؟؟  
لأ مش فاهمين  
معقوله ياماما معقول؟؟  
بابا ليل ونهار مشغول  
وانتي مشغوله على طول  
ف الصبح تكوني ف الشغل  
واللى شاغله التليفون  
ماما .. نفسي أقعد وياكي  
دا أنا أغلي ماف دنياكي  
افضي لى بس شويه  
محتاج حبة حنيه  
تلاقيني مطيع وياكي  
ونبقي خالصين علطول

## بلد الحضارة

يا طيبه وطيوية  
بلدي يا أم العروبة  
فيكي نبع الحضارة  
والروعة والجساره  
الاقصر والبر الغربي  
والشوق غنى من قلبي  
رقص علي بحرى و قبلي  
وهناك ع الشط التانى  
لوعنى الأسمرانى  
قُلت يا جمالوا الخمرى  
قال طيني دا أسوانى  
من أدفوا لعند السد

شريان قلبي مايتسد  
تسكن جواه أميرتى  
وتعشش شوق جزيرتى  
في الكرنك كان هيامى  
يبعت ليكم سلامى  
ومن معبد حتشبسوت  
قلبي راجع مبسوط  
بيقول مواويل وحكاوى  
وف بيت الشيخ الطيب  
قابلت الراجل الطيب  
إدانى زلعه قنواى  
تروى الشريان وتطيب  
وأكلت العيش الشمسي  
نسانى همى ويأسي  
وفرش لي الشط غناوى

علي نيلنا الأقسراوى  
ووشوش ناسه الطيبوه  
وقلوبهم الحبوه  
اللي نقشوا الحضارة  
بعزم وبجساره  
علشان يوروا العالم  
إننا بلد الحضاره  
في الطب وف التحنيط  
في الفن وزرع الغيط  
بيهم أذهلنا العالم  
وعرف قيمة الصعيد  
وإنه هنا مصر العُليا  
اللى راح تفضل عُليا  
طيبه بلد الطهاره  
واللى يراهن علي موتها

خسران معرفش قيمتها  
أفتحوا صُفح التاريخ  
وإقروا كل التأريخ  
راح تعرفوا قيمة مصر  
وإنها دى بلد النصر  
مذكوره ف القرآن  
محفوظة ف الوجدان  
تسكن نبض الشريان  
لو كسروا ألف تابوت  
لو طبعوا كلمة موت  
علي ألف مدنه وحاره  
ها تقوم تانى وتمدد  
تفرش في سمانا السؤدد  
وترجع نبع الحضاره  
علي سطر كتابنا العربي

## نونه

نونه نونه نونه  
كل سناني صغنونه  
أكل بيها واتهي  
وأعيش العمر اتمنى  
إني أطير ف الجو  
واكبر حبه وأحلو  
بابا يناديني دائما  
ويقولى يا بس بس نو  
وأقول له بابا كبرت  
شوف فستانى أنا طولت  
والتوكه ف شعرى كمان  
بتخلي شكلي جنان

ولبست الجزمه بكعب  
وجريت بيها ولعبت  
وينادي بابا يانونه  
ياشقيه يا صغونه  
تعالى ف حضنى قوام  
دا مهما تقولى كبرت  
هاتشوفك عيني نونه  
حتة قشطه صغونه  
أحلى وأغلى البنات  
بنبوني وحلويات

## العصفور

العصفور ع الشجره  
ماسك ورقه بيقرا  
كتب -أخذ -وزن  
ويسبح لربه  
ماهو اللى خلقه  
وصنع ريشه كمان  
يقوم الصبح بدرى  
يلقط الحب ويجرى  
على مدرسته الحلوه  
علشان يحفظ آياتين  
والأبله تقوله شاطر  
لأنه مطيع بيذاكر  
وحيبقى من الشاطرين

## رنا

رنا بنت شقيه  
تصحى ف الصبحيه  
تدخل الحمام  
تتوضى بسرعه قوى  
وتصلى ركعتين  
وتبوسنى علي الخدين  
وتشيل شنطتها وتجرى  
ع الباص ووراها أنا أجرى  
وف إيدى الأكل بتاعها  
ماهو رنا لازم تاكل  
علشان تتقوى وتكبر  
الأكل ها يغذيها

والفاكهة بتقويها  
تبقى دكتوراه كبيره  
أو حتى تبقى وزيره  
ماهى رنا بكره هاتكبر  
وتبقى عروسه جميله  
والكل هايتمناها  
وخطابها يجروا وراها  
وتقول التعليم أفضل

# أنا الفنان

أنا أنا أنا

أنا الفنان

عايز أيه ؟

فرشة وألوان

ترسم أيه ؟

أرسم بيها بلدنا الغاليه

أجمل من كل البلدان

أنا أنا أنا  
أنا الفنان  
عايز أيه ؟  
فرشة وألوان  
ترسم أيه ؟  
أرسم بيها مزارع خضره  
ماتخليش ولا حد جعان

أنا أنا أنا  
أنا الفنان  
عايز أيه ؟  
فرشة وألوان  
ترسم أيه ؟  
أرسم بيها أحلى خريطة  
أعمر بيها كل الصحرا  
وأجملها بأجمل ألوان

أنا أنا أنا  
أنا الفنان  
عايز أيه ؟  
فرشة وألوان  
ترسم أيه ؟  
أرسم بستان  
جواه أيه ؟  
أشجار وزهور  
وأرسم فيه أجمل عصفور  
أبني له عش صغير  
وارسمني وأنا بالعب كوره  
مع أختي وحياتنا جميله  
وبابا قاعد يببص علينا  
ويقول ها شطار يا اولاد

أنا أنا أنا  
أنا الفنان  
عايز أيه ؟  
فرشة وألوان  
ترسم أيه ؟  
ارسم سما زرقه  
صافيه بلون البحر ورايقه  
مفيهاش لاتراب ولا دخان

أنا أنا أنا  
أنا الفنان  
عايز أيه ؟  
فرشة وألوان  
ترسم أيه ؟  
أرسم مدرستي  
وارسم فصلی مع كرتی  
وأشاور للأبله بتاعی  
شوفي فصلی بأحلى الألوان

## محمود

محمود بشقاوته المعهوده

بينادى عليا يقول .....

مااااااااااا

مممكن تحكى لى حدوته

وتكون حلوه قوى ملتوته

حدوته عن الفار البني

اللى لو أكذب هايكلني

بسنانه النونو الأراضه

لو أعمل غلظه متعاده

وأنا عمري ياماما ماراح أغلط

علشان تيجيبي لى شوكلاته

أو لعبة جميلة ( طياره )

أركبها واطير في سمانا  
وأهدى لك نجمه وأبوس خدك  
وانعس وأنا نايم على صدرك  
متونس بيكى وبحضنك

وينادى بصوته اللى منعوس  
ومغمض عينه وبينعس  
ماماااااا

ماتعيدي الحدوووووته

# ماما

\* ماما .....

سنتى ياماما

\* ماما .....

بتوجعنى ياماما

# علشان بتاكل حلويات

وتحلى بالسكر نبات

وكتير عليك أنا بتحايل

إغسل سنانك لاتسوس

ترمى كلامى وبتنعس

والسوسه تنخر ف سنانك

\* حرمت ياماما خلاص حرمت  
هاستعمل فرشتي والمعجون  
وكلامك صح وف المضمون  
راح أحافظ تاني على سناني  
وعلى أكل الفاكهة راح أداوم  
وأكل البيض والجبنه كمان  
علشان البيضة فيها كالسيوم  
حيقوى سناني ويبنيها  
والسوسه أعمل أيه فيها؟؟

# راح أخذك بكرة للدكتور  
علشان ينضف أسنانك  
ويبطل وجعك وآلامك  
بس أنت أعمل بنصحتة  
وتحافظ بس علي سنانك

\* ما خلاص ياماما أنا حرمت  
راح أبطل أهمل أسناني  
وكمان مش هاكل حلويات  
غير حته بس صغنونه  
وأغسل سناني بعديها  
علشان السوسه ماترجعش  
توجعني وتنخور فيها

## سهر

بنت قلبي ودنيتي  
سهر حبيتي ومنيتي  
عيدك سعيد يانجمتي  
ياقمره تنور جنتي  
حبل الوريد لبسمتي  
من يومك أول فرحتي  
وأنتي سعادتى وعزوتى  
يارب بعمرى تسعدى  
وتكونى ضهر لأسرتك  
ومنوره كل الحياه  
دايما ببهجة فرحتك  
يانعمه من عند الإله

رَبِّ يَدِيمِكَ فِي رِضَاهِ  
وَتَنَوَّلِي كُلَّ مَحَبَّتِهِ  
سَهْوَةَ قَلْبِي وَفَرَحَتِي  
عَيْدِكَ سَعِيدِ يَا غَنَوَتِي

# آسر

آسر قلبي  
وكل الناس  
نبض الروح لأ  
والأنفاس  
جوه قلوبنا  
أغلي من الماس  
آسر نور  
كل الإحساس  
ربي يخليك ويصونك  
ودايما تضحك لى عيونك  
ويجعله بركة  
بيتنا ياناس

وكل ملايكة الكون

حراس

آسرده

أغلي من العين

عطر الورد

وعود ياسمين

جوه النبض

وجوه العين

مالي حياتنا بأبتسامات

## مايا

مايا يا قلبي يا نبض الروح  
كل ماتمشي شذاكى يفوح  
حتة غنوه وبحر حنان  
ربي يصونك لينا كمان  
عشقي ليكى عشق جنان  
قلبك نبع لكل حنان  
ذي الوردہ في وسط قلوبنا  
واحنا في هواكى كتير دوبنا  
عقلك يوزن ميه وألف  
عمر ما حد بعقلك لف  
عقبال ما اشوفك دكتورہ  
جوه قلوبنا يا أمورہ

قمره وقشطه وسنيوره

مايا حبيبتى عيد سعيد

كل سنة والعمر مديد

عيد سعيد

عيد سعيد

## مصر

مصر يا كامله المعانى  
حبي ليكى دا شكل تانى  
كلمة بتزلزل قلوبنا  
وأغلي م النبض ف وريدنا  
ضهى إيدك جوه إيدنا  
ينكتب سطر الاغانى  
لو بعدت عنك لحظه  
قلبي م الفرقه يعانى  
عمرى بعدك مايساويش  
وإذاي أنا أقدر أعيش  
دا أنت أمى وساكنة دمی  
عمرى بعدك ميساويش

عائشه من خيرك سنين  
نايمه في الحضن الأمين  
يا أم هاجر وإسماعيل  
ليكي من قلبي السلام لولو

# لولو

دى أجمل من فى الكون  
كلها رقه علىا تمون  
نبض القلب وهمس الروح  
عمرى فداها منين ماتروح  
ورده شذها علىا يفوح  
لما بتصحى كل صباح  
تلقي النبض يفوق يرتاح  
جوه عيوننا زارعه براح  
يملى الكون ورد وأفراح

لولو حبیبتی رقه وزوق  
لو تحضنها النبض يفوق  
حتة بنبونی رقیقه  
تخطف قلبك ف دقیقه  
حساسه کتیر بزیاده  
ودمها سکر وزیاده  
تنعش روحك كالعاده  
لما تزقظط جوه البیت  
ترجع طفل معاها تزیط

جنة بيتنا ..  
أول فرحتنا  
رَبِي يَصُونُهَا وَيَحْمِيهَا  
وَيُبَارِكُ دَائِمًا فِيهَا  
وَلِقُلُوبِنَا يَخْلِيهَا  
سِرُّ سَعَادَةِ كُلِّ بَيْتٍ  
لَوْلُو حَبِيبَتِي نَبْضُ الرُّوحِ  
لَوْلُو لِنِنَاهُ هِيَ الرُّوحُ  
هِيَ الرُّوحُ

## تحيا مصر

تحيا مصر ف كل حته  
تحيا مصر وحته حته

تحيا مصر ومن زمان  
صوتها بيهر المكان

تحيا مصر ف كل حارة  
مصر دى بلد الحضارة

تحيا مصر أم الغناوى  
ع الناصيه وجوه القهاوى

تحيا مصر وطبق الفول  
ياكله الغلبان والمسؤل

تحيا مصر بإيد رجالها  
اللي ضحوا كتير عشانها

تحيا مصر بلد القرآن  
والمدفع ساعة الأدان

تحيا مصر بكل نصر  
بكل عزة بكل فخر

تحيا مصر تحيا مصر

# هتون

يا برنسس  
هتون الحلوه  
آه منك يا شقاوه  
يا طعمه؟؟  
سلطاناه  
علي كل قلوبنا  
أجمل زهره  
في عشقها دوبنا  
بس حكايه  
ومالهاش حل  
جوه قلوبنا قمر  
محتل

حدوته  
وتوته وملتوته  
حتة بونبونى  
صغنتوته  
تشغل وتونس  
فى حياتنا  
ذى العصفورة  
القطقوطه  
طول اليوم  
عماله تنتنط  
تعمل فيلم  
ظريف بيضحك  
قطة ظريفه  
تشوفها تزقطنط  
حتى عيوننا

ناقصها تنقط  
فرحه وبهجه  
قمر يتشقلط  
جوه الكادر  
في التصوير  
مره تنونو  
مره تصوصو  
قادره وشاطره  
في التمثيل  
حتة بليه  
لما تشوفها  
مش باينه  
على وش الأرض  
ولما تعيط  
قوى تقرفنا

تضرب كل شقاوة  
القرد  
وأما تكون رايقه  
ومرتاحه  
تعمل أجمل  
شو للعرض  
هي فراشه  
ناقصها جناح  
علشان تتمنظر وبجد  
دى برنسيسه  
قوى من يومها  
ربي يصونها  
قشطه بجد

# فیروزہ

روزہ یا حلوہ  
یاوردہ یا غنوہ  
یا اُحلی کیوت  
یا قمرہ ظریفہ  
تخطف قلبی  
قوام و تفوت  
شبه اللولی  
لأ دی یا قوت

لما بتضحك  
كل حروف  
العشق تزيط  
ضحكتها  
يا خرابي عليها  
حتة قشطه  
ف بسكوت  
جوه القلب  
قوام بتفوت  
شاطره وطعمه  
شبه التوت  
غاوية الطبخ  
و حباه موت  
حتة شيفه  
بس شقيه

أحلى وأطعم  
م الكب كيك  
لما تشوفها  
فى التمثيل  
بت ظريفه  
لهلوبه موت  
حتى جمالها  
جمال م الأصلى  
شبه الأميرات  
فى الحواديت  
ربي يخليها ويصونها  
قمره تنور كل البيت

## أبويَا الغَالِي

عزير النفس والعيله  
أبويَا الغَالِي ضليله  
بنتضلل علي حسه  
وكرمه وبره مع حرصه  
يصل رحمه في كل مكان  
فقير ومريض غني وغلبان  
وكل بيبان  
بتتفتح لصوت حقه  
وله دكان  
ملاه من فيضه وبكرمه  
قماش ألوان  
من الجود والمحبه كمان

أبويآ زمان  
بهلال رمضان  
يهني كل أحابه  
غريب وإخوان  
وعمره ماخان  
ولا في مره  
نفخ دخان للقمه حرام  
وعيشه وملحه كان يتصان  
وكان معاناته  
علمنا بحق كمان  
أبويآ تاريخ  
أبويآ مثال  
وكان بركان  
في ساحه الحرب  
كان ددبان

أبويا صلاح  
مصالح نفسه كان إنسان  
برتبة ناظر الديوان  
داخل مملكته  
كان أشجع من الشجعان  
بناها صح  
لا كان شحات ولا منان  
عزير النفس له صولان  
صلاته خشوع  
وتسمع صوته في القرآن  
أبويا كمان  
صنع نفسه بإيد نفسه  
إيديه فاسه  
عرق راسه دا كان عنوان  
وعمره ماخان

ولا كل حق

أبويا أحق

بفوزه بجنة الرحمن

أبويا سلام علي روحك

أبويا الغالي ألف سلام

## علي الجبهة

علي الجبهة أسود جابهه  
لاتخشي موت ولا أهوال  
وحوش أبطال  
تاريخها نضال  
تهز الأرض كالزلال  
ومين يقدر علي فرسان  
حرسهم بركة الرحمن  
معاهم ربنا الحارس  
وقلب ما يخشي ولا يتهان  
لسانهم ذكر مع إيمان  
كتابهم نور من القرآن  
ومن يقدر علي فرعون

بجبروته يهز الكون  
يفوت ف الصخر والأنواء  
زئيرهم نار رجال أبطال  
بيحموا العرض والأوطان  
نسور ف الجو  
أسود في البر  
حتان في البحر  
لاتخشى موت ولا أهوال  
وبنضالهم وصولاتهم  
شجاعه تعلم الشجعان  
بقلب مايعرف معنى الخوف  
ولو حابب تقرب شوف  
علي كفه نقشها حروف  
شهادتي فوق جبيني وسام  
لابنطاطي ولا بنخاف

وعلي عرضى أنا السياف  
وقلب صفحة التاريخ  
ياما فاتت بمصر أهوال  
ولسه واقفه ذي الصقر  
بجيشها اللي مالوهش مثال...

## ماتیجی

ماتیجی یاسیدی نتواعد  
وایدی ف ایدک هتساعده  
هانبنی بلادنا بالساعده  
نشمر کل ایدینا  
وننده کل اهلینا  
دی مصر وکلها لینا  
فداها روحنا وحنینا  
ونبنی جامع وکنیسه  
نعید أمجادها للشاشه  
نعلی طموحها ببشاشه  
وهی ساجده قدیسه  
وهی واقفه بشموخها

بأرواح ناسها وجنودها  
ماتيجى ياسيدى نبنها  
نعلي كل مافها  
ونزعا بعشق وحب  
ونحي بروحنا ماضيها

## الفهرس

٣	الإهداء
٥	أهلا أهلا يازملائي
٨	هتعدى الغمه
١١	بحبك بالشقاوه
١٤	مصر أمنا
١٧	ثأثأ
٢١	خلاويص؟؟
٢٤	بلد الحضارة
٢٨	نونه
٣٠	العصفور
٣١	رنا
٣٣	أنا الفنان
٣٩	محمود
٤١	ماما
٤٥	سهر
٤٧	أسر
٤٩	مايا

٥١	مصر
٥٣	لولو
٥٦	تحيا مصر
٥٨	هتون
٦٢	فيروزه
٦٥	أبويا الغالى
٦٩	علي الجبهة
٧٢	ماتيجى